

海浮山堂詞稿

山堂詞稿

卷之六

山人與老農語或共野食遊不遠及父
字亦不說詩酒間以正調自寓取之
目前意興而止而好事者喜聞之傳
至名流鍾工亦未始不驟然擊節之至
戊春余策蹇陞出山中遙浪迹風簷
雲水間每有知遇尚論古文辭亦或
及此輒為稿不止然稿不恒由余第從

在秦州刻詩紀以其美刻石門樂府余
今刻山堂輯稱於潤州既迄工內別輯
此卷刻之亦惜其美耳第不款以序
厚作者漫筆是語於簡端丙寅閏
月海浮山人題

海浮山堂詞稿目錄

臨朐馮惟敏著

大令卷一

李中麓歸田

謝少溪歸田

憶弟時在秦州

徐我亭歸田

邑齋初度自述

訪沈青門乞畫

改官謝恩

贈許石城

題仕隱圖十八景

畱別邢雉山

酬金白喫

仰高亭中自壽

五嶽游囊雜詠

壽馬江南

又仰高亭自壽

題丹元樓

送賈封君約翁南還

郡廳自壽

庚午春試筆

辭署縣印

聽鐘有感

月食救護

日食救護

對駒彈琴

六 裴寫真

舍弟乞歸

送李閣老南歸

量移東歸述喜

賀鳳渚公鎮易州

癸酉歸田自壽

題長春園

題劉伊坡壽域

歸田小令卷二

辛未量移東歸

八不用

東村作

病起二首

午憇

懷所思

樹下畱客

示姪

灌園

觀雨共酌

述懷

閱世

紀笑

遂閑

送陳震南

謝張誠菴

柬東沙呂僉憲

柬劉俊溪

東董信溪

壽董北山七十一

癸酉新春試筆

益姪家晏其二

臨姪家晏其二

蒙姪家晏其二

咸姪家晏

答陳李二君

晚浴

樂開

喜雪

甲戌新春試筆

燈夕

咸姪會試

勉姪

春陰

焚柏子

燒楮

閱報除名

十自由

喜客至

候客不至

拜客不答

喜客相訪

雨後雪

雪晴

刈麥有感

刈穀有感

飼蟻有感

東村樓成

自遣

此景亭初秋小酌

贈人

此景亭觀雨共酌

世恩堂觀雨共酌

李奇坡會不果赴

喜雨

苦雨

苦風

喜晴

農家樂

農家苦

憂復雨

喜復晴

四術

四不全

四憎

藥虫

書虫

冶源大十景

美人杯次韻

送琦孫鄉試

咏詩匏

喜雪新春試筆

元宵喜雪夜分而止

笑園六咏

夜聞奇捷口占

種樹

鞦韆

家訓

笑園約會

嘲贈

病憶山中

喜雪

岱翁餽問雪中賦謝

奉謝諸宗枉駕

謝諸公枉駕

謝諸老枉顧

謝會友枉顧

子姪守歲

戊寅試筆

復兒度遼省墓

解任後聞變有感

解官至舍

李中麓醉歸堂夜話

戊午感事

效中麓體

仙臺春酌

環山別業

初夏

旋夕不眠

抗塵容

走俗狀

感述

壽賈柳溪

思歸

知止

乞休

歸興

振白

烏鬚

六友

下第嘲友人乘獨輪車

訪宋一川

春遊

閑適

幽居

山居雜咏

山中客至

秋日偶成

繕室

偶題

風情

悼琴仙

閨情

庚午郡廳自壽

擊節餘音卷三

旋況

寄情

閨思

勸色目人變俗

嘲友人試琴

李爭冬有犯

僧尼共犯第一拆

十美人被杖

剪髮嘲羅山甫

清明南郊虧友人作

詠所見

卷之四
四誓

八美

十劣

大鼻妓

悼妓琴仙

題怨其二

四景閨詞

風情

鞋杯

嘲諷

閱世

閨思

省悟

春閨

贈妓桂香

贈竹

夜月小集

夢想

贈妓仙臺

曉霞

嘲妓葵仙

嘲妓蘭池

文卿

梅花

月季

弱仙

韶仙

剪髮

嘲僧

曉妓

次韻贈妓少蘭

贈田桂芳

贈潤仙名玉塊

贈牛月娥

贈趙今燕

贈小妓孫曉臺

贈示潤仙

題情

頂真叙情

題贈小娥次韻

嘲友

附錄卷四

縣官賣酒

縣官賣柳

呂純陽三界一覽

骷髏訴冤

財神訴冤

玉殿傳臚

僧尼共犯

海浮山堂詞稿目錄終

湘浮山堂詞稿

仙呂點絳脣

李中藏歸田

書備五朝簡牘可知易更四聖質文易睹
此非往牘少文後聖寡要推移不禦惟世
為然昔也盤庚詁之愚民曲禮行之鄉鄰
今也析句詰字老儒困之豈惟民哉若夫
文字之變詩又甚焉三百篇中變居其二
既又變為騷為五七言為律為今樂府嗟
呼變極矣詩由性出存乎其人聲與政通

繫諸其俗古近邇降如鱗次然軒古輕今
不煩審辨然而作者可以適性聞者可以
考俗感發鬱陶激昂偷靡其用一也間出
淫慝古亦有之放之而已操觚之士驚心
爾雅樂府有作力究兩京得其文逸其義
得其義亡其聲要之文固未通釋也卽文
義酷肖不協鐘律不足以爲樂卽併得之
必今人弗聽也亦何貴於藻善滌邪者哉
夫楚音隕江東之涕胡笳起漢北之思易

其地則不爲動世葉邈絕又何嘗此孔子
刪詩之後被之管絃要必審五方之音各
歸本調後之誦者一以江左聲協之其能
合乎離騷多禮神之辭漢魏皆絃歌之曲
音響節奏自出一機繩以今韻然且不可
律體旣盛始嚴沈法雖云格力非古而李
唐樂歌卽多近律如太白清平調曲及郭
氏諸所收集是也唐律大法固在然其聲
之舒疾高下不得而聞且以渭城短律婦

人雅子知誦其句至使文士與歌人自爲
疊琴師按譜不一其聲則他所依放例可
知也宋曲見於今者有辭無聲其僅存者
一二而止漢志曰周衰禮樂俱壞樂尤微
眇後世之聲旣非盡美又奚傳焉嗟乎聲
音之道不在雅頌而在今樂有識病之其
機緘變易關乎人理亦氣運然與故每域
於本朝不相沅襲豈直聲音文亦不逮四
言盡於三百五言極於漢魏唐律宋詞各

臻其工模擬雖逼定不及也僕性嗜古凡
文章度數遊心無礙獨於正樂有夙憾焉
移風無自寄興靡依一有感發莫能遂歌
微吟不絕姑託近調嘗見鴻筆大家顧或
爲之何也予聞之今之樂猶古之樂也又
云古人之詩如今之歌曲往竊疑之乃孔
子有志三代之英又曰吾舍魯何適矣固
亦有不得已者吾鄉中麓李公博學正誼
予心慕之都中邂逅彼此塵鞅未緣請益

頃抗疏歸田娛情述作紹作大雅討論秘
文雜興所及時涉新譜其亦游戲翰墨故
邪抑定樂之無繇也僕因得而聽之意真
味婉氣正聲平借使達者屬耳擊節賞音
里人聞之亦足以發流通之妙不在茲乎
秋夕共話悉所未聞偶論樂聲深契予意
途次無聊遂成俚闕如左

瀚海洪流岱宗神岫英靈湊淑氣充周醞釀
盡乾坤秀

混江龍

山河依舊其中自古聖賢州似您這天才傑
出真箇是無愧前脩霎時間對客揮毫風雨
響世不曾閉門覓句鬼神愁囊括了三墳五
典八索九丘網羅了百家衆技三教九流席
捲了兩漢六朝千篇萬首彈壓了三俊四傑
七步八斗俺也曾夜到明明到夜聽不徹談
天口則為他心窩兒包盡了前朝秘府舌尖
兒翻倒了近代書樓

油葫蘆

多少詞林翰府儔則被他一筆勾乾坤豪士
眼中收這其間能說會道堪居首剛道箇真
材實料難禁受說甚麼琴遇知音再休提棋
逢對手每日價自歌自飲嫌孤陋乞求的黃
卷上結交游

天下樂

千載名賢儘應酬風流意氣投短檠長夜三
更後話高情曲一腔賞雄篇酒滿甌消繳興

天長和地久

那吒令

掃鴛牋運肘試錦心綉口望龍顏拜手猶金
花玉酒要瓊林上首折天街御柳瑞烟開金
馬門香風嫋銅龍涌擺鷁行緩轡聲幽

鵲踏枝

論功業比伊周論文學擬曹劉憑着你柱石
形庭黼黻呈猷會談間把前賢考究羨君家
自古傳流

後庭花

你本是那佐唐虞賢聖胄臯陶爲理後世以李爲氏有幾

箇正綱常清議友唐効治了背關將軍罪魁

判倒了太平公主讐元絃聖恩優受用些醪

釀賜酒絳只吃的醉朝天拜玉樓汝中興

功第一流光勳勳丹表箴取次德裕避賢詩

歸去休適陳情表不自由密北海尊任意酬

邕西崑體到處謳商隱

青歌兒

坐臥間牙籤牙籤詩動行動間錦囊錦囊
千首賀便做了三朝卿相也索意休助怎痴
心寧耐白首封侯廣我則待鶴背雲頭八極
周遊少君函谷騎牛聘采石登舟白鳥鳥相
投白鹿為傳涉少室藏脩渤盤谷清幽愿可
正是龍眠高隱百無憂公麟無福也難消受

寄生草

漢文皇空拊髀醉國志難罷手收你從來紉
籠就裡埋名舊潘投至得御樓側昨承恩厚

助終有箇凌烟上面圖形秀靖你道是八磚

學士懶朝參程我道是十年宰相須承受添

燕尾

四海覓知音五嶽尋朋舊赤緊的馮唐不偶
至如今手把陰符覓未休嘆韶華又早大火
西流氣橫秋咲看共鈎則待要向長安函送
單于首俺這裡帶斜陽箭樓只落的伴黃花
勸酒約定了清風明月兩悠悠是年止虜始寇邊

南呂一枝花

謝少溪歸田

少溪翁與先兄冶泉公同薦於鄉意氣甚
相得既舉進士為侍御史侃侃有聲稱視
學畿內累官大中丞晉司馬督戎政威名
大顯一旦上疏求解兵權歸休於繡水之
上余適過章邱薄暮詣訪約主賓野服相
見繾綣話契誼酒數行令余為歌詞以志
高逸余笑而謝曰今之詞手章邱人壇場
矣余於此蓋難乎為詞哉

慵聽玉殿鞭怕待金門漏承恩雙鳳闕拜表

五龍樓笑解歸舟打疊起麟袍袖收藏了寶
帶鉤閒時節尋一片繡水漁磯悶時節訪幾
箇青山道友

梁州

人道是前朝王謝俺道是當代伊周生平事
業都成就對丹墀三千禮樂擁畫戟百萬貔
貅網羅穀公門桃李羽扇麾帥府諸侯酬志
了三十年廊廟分憂準備着數千里湖海遨
遊也不戀大官羊列鼎鳴鐘也不厭家常飯

粗茶淡粥也不嫌小村庄
瓦鉢磁甌書檮
時調停歲月閑消受
酒三杯詩數首有時
高卧東山不可留念
蒼生也索回頭

尾

者麼恁恁連康樂爭馳驟
明月白雲共宴遊
樂事賞心隨處有
俺則待畫山光一丘寫行
樂一軸唱一會歸去來
辭開笑口

雙調新水令

憶弟時在秦州

余弟在秦州五年不得調前此及今浮沉

五品秩凡七任歷十有五年五品以下不
論也余居山中秋風四起油然興懷憐濡
滯之迹觸離隔之情而不自知其身之瀟
落無當也形神千里意緒萬重書所不盡
申之詞華山中簡用不携韻或出入弄詩
也

金風飄杳隴雲悲惜分飛兩行征鴈碧連芳
草渡紅綻蓼花灘瀆有箇北何南還經幾度
春老秋殘只聽的矢群聲遍霄漢

駐馬聽

憑倚闌干宿酒初醒月露寒慵拈筆硯新詩
欲寄海天寬紅塵迢遞鵲鵲原黃昏冷落棠
梨院凝望眼側身西塞情無限

沉醉東風

受盡了半生偃蹇乞求的兩字平安他那里
為我思我這里因他盼大丈夫撼海推山憑
着頂觸佞嫉邪獬豸冠且不問眼皮上前程
近遠

鴈兒落

蕭颯颯風吹函谷關
淅零零雨洗連雲棧
煖溶溶烟封兩漢宮
明皎皎月滿三秦甸

得勝令

呀為甚麼懶把素書看
止不住常將寶刀彈
顯不得冰玉聲名响
跳不出金銀世界寬
自離了長安一步步音書斷
才到了關山一程程道路難

沽美酒

見如今坐不寧卧不安衣不解飯不食只待
要遠播 天威蕩了塞垣指日間生擒了可
汗平躡了土西番

太平令

二十載風霜冷淡數千里山水瀾漫望 君
門空瞻霄漢盼家音難憑魚鴈我呵到如今
意懸夢牽不由我泪彈呀生被這不做美的
雲山離間

川撥棹

一會價謾俄延可知我功名薄緣分淺總不
如袖手高閑閉口無言冷眼傍觀那荅兒鶴
長鳬短且埋頭山水間

七弟兄

每日價竹邊水邊任盤桓對芳尊數轉嬌鶯
勸插綸巾一朵野花鮮採瑤芝幾箇幽人伴

梅花酒

嘆光陰撚指間怕皓首蒼顏恨遠水遙山想
驚序鵲班悔當初容易別至如今見面難望

燕臺不可尋
有一日
九天上舞青鸞
五雲裡
捧花箋
萬里外
促雕鞍
千官隊拜
金鑾
收江南
呀
烽塵寂靜
玉門關
恩波蕩漾
錦江山滿
天兵甲一齊閑
把干戈盡偃
邊臣歌舞入長安

此詞作於嘉靖庚申之秋
筆未竟不覺泪下
時舍弟方奔走陣塞得而覽之
復余曰
車中讀未竟
輒泪下
夫兩地之泪
豈以功

名下哉明年弟稍遷河南參議又明年相
見於京邸余亦授官矣自是南北分携往
復相左者七年始遇於郊旅舍不寐戀別
無計復分袂去又二年弟以入覲便道
求晤於保郡而歸志遂由此定從前感懷
可以消遣是知天倫之樂舍并之趣不在
仕路而在山中

海浮山堂詞稿

海浮山堂詞稿

大令

正宮端正好

徐我亭歸田

我亭徐子守霸郡甫再朞乃輒歸田間先是道路宣言徐守召遷京曹吾弗聽也與望當遷其如時事何居無幾又言徐守以論免吾又弗聽也即多口如公論何已而守果東歸匝一月余始知之輒然笑曰公論竟不能與時抗哉郡故有名而業已瘵敝邇益敝甚矣公私仰給者循其名而責

之脩持之日益急歲且大侵民弗堪命守
以節用愛人四字平其政若之何勿論且
免也時余偃蹇卧茂林深巖中聞徐子免
官不足惜獨惜其不能徑造山人濯塵容
於清泠之淵而猶有依依兒女子情耳然
幸高堂重慶方罄至歡余又以苦熱憚於
獨往即未知先歿者誰且恨無五尺童走
相訊也客有言及徐子者輒作不平氣或
曰二十年科名博官二年耳是古人什一

之法或曰節慎憂民而坐此廢放歸無
自謀奚什一法也余則笑止之曰客之爲
徐子計是不知徐子者爲余言之是不知
余者客且休矣余將洗耳於清冷之淵客
謝不敏去余乃臨灊沃潁爲填此詞後有
知徐子者必使歌之

跳出了虎狼穴脫離了刀鎗寨天加護及早
歸來甫能撮湊到紅塵外總是超三界
滾綉毬

礮可查荆棘排活撲刺蛇蝎挨打週遭擠壓
一塊說得俺脚難那眉眼難開一箇虛圈套
眼下丟一箇悶葫蘆腦後摔晒着他轉關兒
登時成敗犯着他訣數兒當日興衰幾曾見
持廉守法梁了冤業都子爲愛國憂民成了
禍胎論甚麼清白

叨叨令

見了箇官來客來繫上條低留荅刺的帶又
不是金階玉階兒不得剗留鋪刺的拜恰便

似天差帝差做
些希留乎刺的態但沾着
時乖運乖落得他稽留貼刺的怪兀的不碌
殺人也麼哥
此上單看你胡歪亂塗粧
一角伊留兀刺的外

脫布衫

謝天公特地安排感吾生苦盡甘來熱還
蠅頭利債再不把文章零賣

小梁州

也是俺八竿子
二時小運該捱過了月佳

等不得滿頭風雪却歸來清江外鷗鷺免相猜

么篇

雲深三迳無邊界急回頭滿地蒼苔不負咱
多寧耐年年相待松菊手親栽

上小樓

風光未改規模猶在不由俺眼兒端相口兒
嗟咨意兒裁畫爲著那料不聞則不來訪
草芥險把俺滋生涯玉簪在九霄雲外

么篇

多虧永廉訪司乾生受御史臺倒惹的百姓
攀留妻子埋冤隣里疑猜假若是弄不諧這
一排大驚小怪怎能夠安樂窩通驛自在

滿庭芳

田連滄海門垂五柳院列三槐從今不受人
禁害事事丟開弄幾權聽他喝采隨本分看
俺偷乖垂堂戒低頭自揣再不說濟川才

快活三

帶清風兩袖來喫緊的少金帛雖然不得世
人財也省了花打算胡文派

朝天子

薅鋤了草萊掃除了小齋破漏處重苫蓋軒
窓窈窕忒幽哉就里無拘碍儘俺粧酣饒他
作反笑呵呵佯不采丟一箇眼色唱一會哈
咳雲去也青山在

四邊靜

霎時間龍歸大海蝦笑沉蟠蚰笑塵埋誰識

俺放浪形骸寄傲乾坤外
湏不是閉戶窮愁
傻秀才一納里無聊賴

耍孩兒

浮生但得閑身在一萬兩黃金難買今日箇
明月千里故人來抵多少位列三台無官纔
是神仙福有道難為將相才為甚麼跳出樊
籠外這的是急流勇退湏不是早發先衰

十七

追魂牒拜相麻捨身崖拜將
臺未央宮慣把

忠良害粉蛾投火休言命錦鯉吞鉤不是災
貪心所使非無奈怎似這赤松伴道也免得
黃犬啣哀

十六煞

高名重似山通途黑似海鵬程反被蛛絲碍
無心出岫閑雲散捲翼投林宿鳥來悠悠世
事皆身外盡是些虛舟飄瓦斷梗枯蓼

十五煞

當初錯認真而今且買獸為只為到頭不把

心田壞鞭箠赤子情難忍
森繞朱門眼倦開
甘心兒不染炎涼態自古
苦也貧而無誦義不
存財

十四煞

見尊官際小心入公門
怎放懷烏紗緊按忙
搗帶疎身疾走還嫌慢
對面低頭不敢撻壓
簷石離不了雙膝蓋
那怕他淋漓風雨也子
索跪倒塵埃

十三煞

六朝上卷言齊
帶銅鈴馬上馳提鐵繩部下來城狐社鼠真
無賴一箇道稽遲糧餉齎飛票一箇道緊急
軍情奉大牌閑言碎語湏耽待真心兒貪畧
小利謊話兒毆打公差

十二煞

官清氣不長財多福自來見如今顛倒觀成
敗奴顏婢膝終湏貴義膽忠肝反見猜俺如
今只落得丹心在打疊起經綸手段展放開
風月情懷

十一煞

抱搥琴鞞袖低插岩花壓帽歪尋幽散步雲
林外攔迴綠水挑了坑塹隔斷紅塵立了界
牌勿得相侵害喜年年深耕淺種願歲歲增
福消災

十煞

迎神三上香虔恭一字排山童野老齊來拜
盆聲鑼鼓喧天響美味村醪就地釀當庄兒
敬把牛王賽俺這里隨班行禮不強如納陛

升階

九煞

蜂屯散晚衙
鴉群放早牌
山鳴谷應威名大
閃開皂蓋蒲葵扇
換却朝靴芒草鞋
呂公絛
緊淨似鏤花帶
人都通清閑
刺史瀟灑蘭臺

八煞

又無牌票追
又無官長來
又無節年號
件多
粘帶又無獄囚
干係擔驚怕
又無倉庫查盤
費剗劃又無凶荒水潦
難徵派俺不是承行

接管官吏當該

七煞

老太君近九十老尊堂多半百壽萱重茂光
三代祖孫空切陳情表母子遙懸陟圯懷到
如今謝天謝地全恩愛喜孜孜承顏旦夕笑
吟吟戲綵庭階

六煞

弟兄友愛情親朋契闊懷東隣西舍相陪待
從今但說陰晴話此後惟愁水旱灾再不提

世路多毒害盡都是一場香帳滿口胡柴

五煞

南州有故交東君無俗客時時下榻相親愛
常餘鷄黍供佳會剩有鶯花破悶懷小園旋
摘時新菜一茶一飯閑往閑來

四煞

也不說胸藏萬丈虹也不想腰懸三寸白課
耕教子功勞大也不求世上千鍾祿也不羨
朱頭萬貫財但願年年歲歲人常在受用些

粗衣淡飯佳脩些細米乾柴

三煞

喚青衣花滿簪倩紅裙酒滿醺剛纔破了官
箴戒時興麗曲傾心聽迴意新詩信口來狂
歌痛飲真豪邁相伴著花仙酒聖說甚麼閨
苑蓬萊

二煞

清風到碧梧斜陽下綠槐千山列嶂烟橫黛
幽窓正與雲門對別業遙連地鏡開寒流一

纓拖裙帶想前朝鴉盤寶髻鳳插金釵

一煞

龍池百代清牛山萬古哀笑當時登覽心無
柰三千珠履英雄盡十二山河霸業衰龍爭
虎鬪人何在你看那王侯高塚都做了蔓草
荒臺

尾

山林識趣高功名局裏窄放歌古調烟霞外
誰會把白雪陽春下註兒解

正宮端正好

邑齋初度自述

余始試邑於涑重以祿不迫親爲求憾不
携家累祇一童自隨杪秋初度壺漿奠獻
之餘舉觴致語自視心切感慕不釋命筆
填詞至三簋潸然淚下不可止童切覩之
後傳於山中只謂思鄉然耳外人每歲物
色余初度日竟不能得詞亦不以示人
不啻名非干祿無心也待價而沽只因赶上
紅塵路此地逢初度

滾綉毬

俺本是漢高陽舊酒徒魯諸生小架局逞粗
豪風流人物欠磨礱狂簡迂儒幾曾誇俺德
能也難攀彼丈夫更不出三門四戶單守着
者也之乎眼見的爭名奪利眉兒先皺耳聽
着受職爲官膽兒便虛俺子當似有如無

脫布衫

想黃花三徑香衲影白雲千里光浮遠迢迢
家山何處悶懨懨此情無據

小梁州

俺子索獨對秋燈賦索居展轉躊躇便做了
三槐九棘待何如無情緒枉自受拘束

么篇

上琴堂端坐如泥塑下廳堦尺步繩趨倉庫
經循環簿那里也知新溫故曉夜念文書

上小樓

酸甜辣苦中心難訴辦的是卷案招詳錢穀
刑名笞杖流徙親也無朋也無誰行扶助斷

送的這壁廂走投無路

么篇

升早堂夜未闌放午衙日已晡酩子里忘了
生時耽了歲月錯了機謀形也孤影也孤誰
行看覷却不道細思量有何緣故

滿庭芳

天涯閒阻秋光冷淡夜色蕭疎卧看牛渚空
延佇情景誰俱撇下俺錦衾衾真仙洞府玉
闌干方丈蓬壺空孤負鶯歌燕舞檀板綉艷

餽

朝天子

水連天碧湖草含烟綠蒲家住在名山處天
然一幅輞川畫滿眼皆詩句畫舫移風紅裙
染露翠波中間笑語紫霞觴滿浮玉壺春有
無只喫到青山暮

耍孩兒

年年此日神仙聚都來會烟霞洞主相傳王
母宴蟠桃爭似俺竹裏行厨來時共折瑤華

贈醉後還憑彩袖扶獻一卷脩真賦琅函錦
字玉簡金書

六煞

往常時開壽筵到如今入宦途官箴謹守遵
侯度朝廷有道追呼少門第無私來往踈
爲民爲國非干譽亦紫的君恩未報民命
難蘇

五煞

省刑罰當放生理沉寃甚有念佛丹心願受長

生錄排衙奏罷三通鼓盡戟戟成五福圖官
僚左右相扶助衣冠濟楚禮度閑熟

四煞

公堂半載忙私衙一事無閉門猶恐人知悟
淒清單父琴三弄酩酊彭澤酒一壺也權充
作樂陳樽俎自醺呵白飲誰勸也誰扶

三煞

愧不及跪乳羔恨不如返哺烏雙親永感悲
風木香飄寶篆無人見酒滴茅沙有淚俱紙

灰飛起歸何處擺列着三牲五鼎止不住短
嘆長吁

二煞

恁平生手足親耐尋常骨肉踈天南地北多
岐路長空萬里衡陽鴈尺素千金湘水魚何
時固結連枝樹每逢佳節遍插茱萸

一煞

俺那里霜前紫蟹肥床頭白酒熟正期着秋
飽家家富胡歌野田村田樂想父漁翁慶壽

圖來來往往諸親故到晚來安排燈火和睦
宗族

煞尾

康寧福自生清閑樂有餘俺如今江湖廊廟
隨時遇博得這兩字平安萬事足

雙調新水令

訪沈青門乞畫

青門之名余耳之舊矣壬戌早春歷城避
逅西館燕嬾時余猶書生也余今以曠官
赴調復得周旋談笑京邸間因乞作畫有

感昔遊情不能默青門藝苑博雅兼善北
譜故以投之

數年前遊冶秀春樓正花時綠肥紅瘦新詞
挑玉質香醕寫金甌意氣相投一見寸心透

駐馬聽

五岳遨遊山水都歸摩詰手兩都馳驟文章
直與馬斑儔向來三載客燕州幾番曾憶東
山否尚兀自抱筌篲花開花落人依舊

鴈兒落

俺子怕胸填宋玉愁料應他眉鎖西施皺不
承望衣憐范叔寒只落的帶覺休文瘦

得勝令

呀怎不上仲宣樓也不駕剡溪舟冷落殺顏
回巷蒙茸了原憲裘望千里滄洲笑南渡新
學究種五色瓜疇羨東陵故國侯

水仙子

青門地接鳳凰樓綠水波縈鸚鵡洲朱英香
泛麒麟圖寫生綃紀勝遊一行書鐵畫銀鈎

一聯詩郊寒島瘦一度曲評花判柳一腔春
醞藉風流

折桂令

一腔春醞藉風流不入山林不事王侯過一
橋又一橋遠市離塵訪一回又一回潛踪隱
迹遠一灣又一灣曲徑通幽則今日倚玉樹
步芳園齊開笑口待何時上金山遊古寺共
豁吟眸雲樹綢繆萍水飄流渭北江東楚尾
吳頭

離亭晏歇拍煞

故園此日花如繡
蘭舟蕩漾閑春晝
憑君別遊抹一帶海浮山
染一溪滄浪水蘸一點雲
門岫幽人不出村
抱膝因何瘦按圖寓眸朗
誦着北山文乍醒了西堂夢
苦憶的東籬菊繪松雪畫的屏
題沈謝詩引首願騎鶴更上
揚州笑殺俺不知機待怎生
敢子是傳芳名傳不朽

仙呂點絳脣

改官謝恩



初解邑綬臺章諭以量才改邑章下天曹
覆奏謹按臣敏疎簡不堪臨民文雅猶足
訓士制曰可遂攝鎮江教事昧爽陞
謝喜而製此旣桓任列職惟五獨臣館與
孔氏鄰他館次第堂門之外孔氏弘申宣
聖六十一代孫也先固不知其人况其居
哉由此觀之聖恩天命通一無二知非
偶合天下樂後句寶亦不知其然而然

拜命天朝敬敷五教興學校輔翊唐堯立

天德行王道

混江龍

欽承 明詔縣郎官新政郡文學前程萬里
仕路千條常言道今日不知明日事俺怎肯
這山望見那山高脫離了簿書期會穰穰
勞樂得此英才教育擺擺擺再休提徒流
笞杖開開抄抄單守着詩書禮樂寂寂寥寥
子今日沐 恩波海闊從魚躍也是俺癡人
有癡福小可的無福也難消

油葫蘆

俺也曾宰制專城壓勢豪
性兒又喬一心待
鋤奸剔蠹惜民膏
誰承望忘身許國非時謂奉公作法成
套沒天兒惹了一場平地里閃了一交
呵冷被時人笑堪笑這割雞者用牛刀

天下樂

俺也曾手把絲綸掣六鰲
漁樵氣韻高俺也
曾醉上蓬萊看八表
駕滄溟眼界空登泰岳
衆山小緊靠着孔孟之鄰舍好

那吒令

七八歲勉學淡齏鹽一瓢二千里枉勞路途
債九遭四十年苦熬六板凳兩條世不愁文
運衰生不怕窮星照精神再把書教

鵲踏枝

聖天子重英豪四海內集時髦則您這宰輔
公卿都是俺功績勲勞雖是俺文章欠好索
強如立草爲標

寄生草

非是俺功名鈍分福薄盈虛消長天之道榮
華富貴人之好清貧冷淡吾之樂子俺這孤
燈耿耿照書齋一任他諸公衮衮登廊廟

么篇

尊經閣凌雲漢明倫堂跨赤霄詩書千史窮
玄奧君臣父子全忠孝齊家治國諳經畧蘇
湖德業重真儒唐虞聖化存吾道

後庭花

若不是那年時擔輿惱怎博得這其間能湊

巧且休提多貶潮陽路子俺清謫黃州聲價
好恰上任立科條幸遇着文衡文衡考校舊
題目撞了箇着老文章記的牢唱名時取的
高賞呈文紙一刀筆三枝五彩毫半截紅纏
滿腰插雙花上馬嬌共生徒擲了一遭

青歌兒

呀方顯俺書生書生榮耀不枉了平生平生
才調雖不得萬里封侯建羽旄子俺這燕領
斑超食肉丰標二八元宵十月之交鄉飲嘉

殺祭品盈庖親友招邀兒女支銷又子怕清
白門第富而驕未若貧而樂

黠尾

謹保守舊家聲便看做無價寶赤紫的脚跟
兒立地實著世世清名谷 聖朝甚的是富
貴崇高冷瀟瀟不染塵囂儘有此暮史朝經
道義交再不讀律條誓不追糧草罄卅心迎
官接 詔睦同僚

南呂一枝花

贈許石城

丙寅春余以移官京口叅謁留臺過訪奉
常許石翁夜話豐豐論及聲律凌晨趨伺
官府卓午弗得見上肆借筆爲填一闕草
具求正而翁業已先遣童子折簡索贈不
知余所往翌日復詣官府又弗得見即肆
中題姚園十八景付之秋澗亦初稿也槩
不是正顧輕許可何邪

跡雖羈霄壤間心直在羲皇上客常來談藝
圃塵不到草玄堂二十年畫錦還鄉居帝

里山河北荷 皇圖氣運昌且休提仰太山
北斗齊名單只看震春雷南宮放榜

梁州

想當時冠群英賢科第一到如今抱孤貞國
士無雙老山濤到底留清望空自秉松筠簪
操更不開苑李門牆玩一會蜉蝣世界笑一
棚傀儡排場起甲第休看做許史金張論畫
華並不數盧駱王楊有時節千仞岡高整雲
衣有時節七里灘輕移雪舫有時節百花叢

痛飲霞觴也不索比量短長閑切騷不閣在
咱心上仰聖君託賢相四海昇平振紀綱
醉也何妨

尾

望滄海萬頃瓊瑤漾遶鍾阜千峯繡幙張這
佳水佳山足吟賞任烏兔且忙幸身軀儘康
看庭前春草年年長

雙調新水令

題市隱園十八景

始余客上京得內交市隱主人主人方致

身清斑顧未嘗忘市隱園也乃以湘帙標
十八景彙諸名家題咏數千百言示余徵
詞以備一體余笑而應之曰主人以十八
景示余余卧遊乎余夢遊乎余恐詞之支
離而無當也主人既得請改南曹廊廟江
湖一旦合併矣乃余以謫至南徐乘興詣
白門輒馳入園中歷撫十八景從而賦詠
用賞夙託復請主人稍更其額曰仕隱
齋飛 詔下丹霄滿園中萬花歡笑斷

恩辭北闕舊隱收南曲一街一味清高占盡了
世間樂

駐馬聽

露浥蘭皋步惹幽香濕錦袍風生芸閣聲隨
流水響金鑣依然東帶立於朝一般走馬長
安道這其無限好樂留園俯仰登廊廟

鴈兒落

俺子見玉林抽鳳尾搖茶泉煮龍團開春雨
哇歲歲收海月樓年年照

得勝令

呀俺子見串鶴逕午烟銷剪鷗波晚風飄閑
搦灑鶯群閣慢行吟浮玉橋歸雲洞新鑿開
頂上通天竅洗硯磯清標見池中有鳳毛

水仙子

中林堂美景一週遭客與臺平臨四望遙觀
生處勘破十年調柳浪堤春意好芙蓉館絕
勝江臯借眠菴黑甜一覺思玄室卅心未了
秋影亭黃葉飄飄

折桂令

有時節上吟壇滿座風騷句句評駁字字推敲歌太平韶護之音聚耆英山川之秀傲王侯湖海之豪論才華也不亞金鑾視草愛清閑又何妨玉珮趨朝混迹漁樵懶出城郊際鍾陵萬代昌期聽長江千里春濤

離亭晏歇拍煞

雲深怕近紅塵道日高懶整烏紗帽憶當時六朝闢富貴金谷園弄詞藻華林晏嘆埋沒

銅駝草爭似這坐中小洞天眼底真蓬島又
何須解嘲也不勒北山文也不携東山妓也
不隱南山豹浮沉金馬門出入石渠閣有時

把溪上清言念幾條謝 皇恩吏隱兼慶仙

園遭際好

秋澗輯古人玉壺冰數種彙為一書名曰溪上清言

雙調新水令

留別邢雉山

僕垂髫隨宦皓首重來慨舊識之無多樂
新知之畢聚傾蓋言志擊節賞音華燈與
雪月交輝笑語共笙歌雜沸於是督郵入

鄉迅鞅載途惟奔命之不遑悵良宵之易
曙塵容俗狀抑又甚焉翹首寄聲聊復爾
耳

憶金陵佳麗帝王州四十年感時懷舊看
山光洩不盡天地靈聰江聲流不斷古今愁
單只爲四海交遊霎時間同氣相求誰承望
利名韁緊拖逗

駐馬聽

鳳舞麟遊雙闕重城十二樓龍爭虎鬪六朝

三國幾千秋明時閑却濟川舟良宵堦起談
天口全不減晉風流賞心樂事般般有

沉醉東風

則今日伴漁樵青山綠藪想當時侍 君王
紫閣彤樓那其間常懸捧日心這蒼兒且褪
挈雲手趁清朝急早抽頭白玉堂中第一流
揶做箇沒是非清心道友

鴈兒落

丞相呵不住的施毒手學士呵蹬脫了牢籠

敦方顓的樂閑人有
下稍一任他使計的乾
生受

得勝令

呀准備着打魚舟收
拾了釣鰲鉤邀夜月芙
蓉帳醉春風歌管樓
暢好是優游再不待金
門漏也忒煞清幽勝
強如玉殿秋

川撥棹

俺這里恰疑眸一箇
縷秦淮橋畔柳俺子見
雲水悠悠風竹颺颺
靜巉巉深巷景幽躲過

了長安官路口

七弟兄

識時的袖手得便也掉頭笑宦海等浮漚只
落的對人不把雙眉皺放懷消盡一腔愁可
正是悟真直撞三關透

梅花酒

俺從來好遠遊恰又到皇州正日煖風柔聽
麗曲清謳明晃晃花燈照綵樓聲細細玉管間
悠悠客難留席不收您畫堂中儘消受俺紅

塵中枉馳驟您三五輩探春遊俺二千里抱
官囚您常則是傲王侯俺不能勾訪丹丘噤
這些兒不相投

收江南

呀把似您功成名就百無求量俺這一官半
職甚來由枉費了玉堂學士好相留望車塵
疾走俺可甚一心分破帝王憂

尾聲

靈臺早晚題章奏德星今日躔奎宿俺這裡

共春風滿樓擅詞藻探花郎慕清議登龍客
樂恬曠談玄友恰報到四路諸侯好共歹難
喫受謝學士把盞相酌直不上半張紙的功
名說的我心提在口

黃鐘醉花陰

酬金白嶼

秋澗雅招春園好會得白嶼之老友聆黃
鍾之希聲賓主罄懽溪山改色恨相知之
既晚計信宿之無繇別路匆匆睠言脉脉
茲者瑤函韜以南昌清響偏乎東冷無言

弗酬倡予和汝即工拙不論也

奎壁連珠現
光彩四下裡
祥煙瑞靄雲閣靜
玳筵開雪鬢
霜髯滿座上
高談客和氣動暖
風來這的是一刻千金何處買

喜遷鶯

自古道青春難再喜相逢
笑口齊開英才厮
轡着五湖四湖也有那
聖世衣冠伴着草
萊醉披襟斜开幘
一箇箇周情孔思一箇箇
道骨仙胎

出隊子

一箇箇英雄立不邁縱風情滿壯懷文光萬丈
貫三台氣岸高壓九垓聲價千鈞重四海
么篇

數筭了金陵詞派散梨園蕭爽齋清歌麗曲
寫胸懷識譜詞腔稱體裁換羽移宮諳韻格
刮地風

子聽的江左郎郎大唱采不由俺雙手兒齊
拍見了他一字字堪人愛一聲聲音呂和諧

一句句六朝感慨一篇篇千古興衰慣評花
閑判柳十里樓臺問功名伴不采每日價放
浪形骸猛可的遇知音敢子是情無奈他道
俺乍相交何處來

四門子

他敢是早年間出落在紅塵外做了箇散誕
仙風月客撒一會奸賣一會乖觀高官大爵
怎介懷撒一會津賣一會豈見不上學蠻撒
奮

古水仙子

他他他綉筵前沒剗劃俺俺俺見面生情暗
裏猜是是是筆陣裏馳名敢敢敢吟壇上出
色想想想料應是楊子宅箇箇箇並着肩促
膝相挨談談談玄的玄白的白悄悄悄俺心
中生疑恠呀呀見放着盛世翰林才

尾聲

有一日拖着條呂公拐遊遍了鴈蕩天台滿
拚着七日山中抵浮生千萬載

黃鍾醉花陰

仰高亭中白壽

平生酷愛山水間處
南有別墅二皆名勝
之區每去城市恒五
日其中暨薄遊四方亦
得佳山水處涑水西
山之秀京口擅金焦
之美出處之間不可
謂不遇也草亭初
成欣然命酌日精
以華金焦北固諸峯羅
列几席自謂賢於
以前方丈遠矣遂歌黃
鍾之宮邀名山以
壽

細雨輕風淡烟裊又

帶山圍水遶搬日月

滾江濤地闊天高越
嶼的幽亭小超北固
金焦便做道閬苑蓬
萊也只是山水好

喜遷鶯

正值着清秋天道
數里陽屈指非遙登
高咫尺內青山翠島
見放看日月精華龍
虎朝轉頭來遊翫了
一壁廂赤水騰蛟

出隊子

這的是幽居堪樂
冷齋邊山可樵新
畫小巧

草團標旋壘高低
流水橋消遣時光
共鳥
刮地風

把多少韶華攔斷了
侬子待撫景遙想
生也有個千年調
怎做的方朔偷桃笑
神龜計拙心勞是
拘摸犯法違條
撻不如守清夏
不染分毫傲乾坤
長壽考行動處
水米無差爲甚麼
懶參禪慵學道
敢子是老先生
頽高

四門子

小亭中該不盡其中妙喜的是氣韻清風
好黃菊兒開紅葉兒嬌衡一味天香桂子飄
酒盡兒擎詩句兒敲獨自個稱觴頌禱

古水仙子

當當當雲板敲是是是空外仙音奏九韶
謝謝天地三光請請請明文房四寶來來來
隨身齡亂交看看看雲烟展紙揮毫勸勸
勸楮先生滿席都醉飽慶慶慶遇良辰四友
齊歡樂年年年常伴老風騷

尾聲

仰高亭無一點紅塵到也不惹酒聖詩豪子
俺這筆硯琴書一壁廂中舊好

中呂粉蝶兒

五嶽游囊雜詠

往於燕市識五遊山人既而不復恒見蓋
嘗慕其果於離塵絕俗者邇登焦山見山
人行窩在焉訊之僧則曰頃向岱岳去不
久當還此閱月山人果還輒過書齋相與
話塵外事且得玩弄游囊六物及自題雜

詠六絕句余亦以六絕句和之山人稱善

從而歌焉弗諳於律山人曰子能轉爲新

聲乎余曰唯唯作中呂郭山人名第字次甫吳人也亦號獨

往生善古詩六物者五岳真形圖杖納瓢鋤瓢

五嶽遨遊滿乾坤一腔靈秀擅江湖千古風

流覽恒山連泰華祝融神岫不多時回到中

州早又是效嵩高望天祝壽

醉春風

萬萬歲再山呼感皇恩三叩首俺是箇

天朝作養一閑人
遙到處走走俺是箇草莽
之臣煙霞之侶神仙之冑

紅綉鞋

四海內漁樵爲偶
三教中道釋同流
這的是唐虞聖世有巢由
也沒那高官勢也沒那小
民憂相伴着木石居麋鹿友

普天樂

一江清三山秀
白蘋渡口紅蓼灘頭
深棲學卧龍遠舉依靈鷲
漢焦光遁迹還如舊
道高

一世名垂萬古洞隱千秋

脫布衫

煉丹臺彈壓江流瘞鶴銘湮沒滄洲羅漢岩
天長地久桃花塢綠肥紅瘦

小梁州

見了些洗古磨今水上漚抵多少飄瓦虛舟
分明世事等蜉蝣閑窮究人我海浪悠悠

么

雙飛鳥兔搬昏晝千摩天欲挽難留沒事忙

空迤逗自鴻濛以後日西下水東流

上小樓

想起那陰陽未剖無聲無臭俺子索妙契天
機靜與天居動與天遊因此上覽九州遍八
陬把興亡看透端的是好山川古今依舊

么

投至得繞葱嶺轉山腰敢又早向桃源尋洞
口見了些雁蕩天台碣石龍門三島十洲有
時節泛槎遊入斗牛浮沉宇宙抵多少利名

場黃昏清晝

滿庭芳

做一箇煙波釣叟
瀟瀟灑灑蕩蕩悠悠水清
不怕魚兒瘦俺子待樂以忘憂也不羨嚴陵
貴友也不羨渭水封侯
醉把漁船扣高歌送酒響過碧雲流

耍孩兒

天風飄起雙袍袖
結束了游囊在手腰纏跨鶴上揚州
爭似俺幾件兒清脩一元和氣懷

中抱五岳真形掌上收漢皇再拜親承受東
方朔謹請西王母傳留

五煞

杖呵涉滄浪擔在肩上青山挂過頭穿雲步
月多生受一條寒玉扶携便九節枯藤摩弄
熟又子怕葛陂水底蛟龍圖百錢高掛萬里
閑遊

四煞

衲呵也休誇奪錦袍也休提集翠裘粗針大

線天生舊千山熬煉霜和雪百歲消磨春復
秋夏涼冬煖迎風闥到晚來蒲團高卧權當
做布被蒙頭

三煞

瓢呵太極分兩儀空同涵萬有從來濩落難
求售單守着門清似水居顏巷休靠那樹大
招風惱許由歸來飽飯黃昏後曲肱而枕鼓
腹而遊

二煞

鋤呵明晃晃月上弦曲弯弯玉作鉤快生生
百鍊鋼磨就閑刨石髓和雲煮細剗山精帶
露收藥籃兒挑起香風透伴劉晨阮肇訪閨
苑蓬丘

煞

觚呵形從三代前名傳千載久曾隨瑚璉陳
邇豆雖然不做磨稜樣却也難將圭角晉醉
翁之意誰叅透賽金盃玉斚勝瓦鉢瓷甌

尾

悠悠獨徃生年年方外走閑看世事多非舊
只落的五岳遊囊件件兒有

雙調新水令

壽馬南江

南江舊尹蚤負才名北海狂儒晚承契執
適於七月登七袞之壽猥以一言罄一日
之懽非詩非賦居然几席少文有聲有辭
筦爾絃歌在聽調非寡和坐有知音

碧梧金井報新秋正暑退涼生時候筵招滄
海月杯引大江流織女牽牛共祝長生壽

駝馬聽

銀漢雲收貝闕天開碧玉樓琅璈樂奏水晶簾控紫金鈎群仙隊隊下丹丘青鷺白鹿驂前後望虛空遙拜手老人呈現朝南斗

鴈兒落

惜朱顏有去留守丹竈無昏晝銷磨了報國心拂破了歸山袖

得勝令

富貴浪中舟功名水上漚才大難爲用時來

不自由周流歲月閑消受交遊英雄儘唱酬

沉醉東風

杏花村呼來美酒桃葉渡掉入扁舟人間快
活仙林下風狂隻掛冠來不事王侯踪跡難
尋境最幽單認著門前五柳

折桂令

細追尋六代風流高興狂歌雅志清修字儼
鍾王詩宗陶謝賦準曹劉古稀年從容到手
太平世安穩藏頭醉臥林丘嘯傲滄洲散誕

逍遙泮渙優游

水仙子

也曾對西風獨上仲宣樓也曾乘皓月同
郭泰舟也曾臥斜陽爛醉劉伶酒也曾和
騷人賦遠遊也曾度函關穩跨青牛也曾
縮銅章三番結綬也曾散朝班雙鳬回首
也曾事先皇百里封侯

清江引

暑往寒來春復秋就裏閑窮究幾見百年人

浪說千年壽老詩翁端的到九十九

雙調新水令

又仰高亭自壽

三年謫宦兩度稱觴中間爲萬里之遊居
常談虎畢竟挾五湖之興慕在飛鴻雖偃
蹇於江城亦優閑於林屋安隨所遇樂得
其常吾所以自壽每如此

憶前年自壽仰高亭歎滇雲去秋奔命今朝
沽酒處依舊小山青身外浮名浪迹何時定

駐馬聽

白首窮經官舍淒涼老客卿青氈聽命江天
寂歷少微星西風又起故園情南樓忽動新
詩興拚酩酊休將往事重思省

鴈兒落

好回來萬里程端的是三生幸心不闕杜鵑
愁身不惹相如病

得勝令

無日不閑情隨處是前程詩得江山勦文蕪
吏隱名昇平際聖世朝綱正長生羨幽人

道氣清

川撥棹

呀俺這裏謾消停到處裏安然尋聖境俺可
也性體虛靈耳目聰明心志精誠節操堅貞
守定了黃庭內景向崑崙頂上行

七弟兄

一會家細評此生也非輕出風塵改不了烟
霞性在江湖毀不了鷺鷥盟傲乾坤阻不了

山林興

榜花酒

正江南秋色澄
恰卅桂流馨
又黃菊舒英
酒淋漓香不斷
花爛熳笑相迎
愛青山傍草亭
俺子索剪鮮蔬
煮香羹
汲井泉試茶
經依古調
按元聲
換新詞祝遐齡

收江南

呀謫仙人三載到
江城煉丹臺
千里隔蓬瀛
笑蠅頭蝸角
一身輕對良辰美景
正秋來萬寶慶西成

余以乙丑冬客潤州丙寅作仰高亭於尊經閣之北舊膳堂遺址也雙栢蒼老對植左右不知幾何年矣亭少東為日精山峙於周垣之內其後為北固山郡堞倚以為雄近西為月華山亦峙城中而日精特為秀異長松干雲佳氣蔥蒨舊時一登眺則金焦大江之勝在目矣丙寅之秋自壽於亭中丁卯應滇關之聘其日乃燕集黔國亦歌鹿鳴之詩余未之有述也今秋初度復坐此亭頗然獨酌忽憶畏途為之動容并州故鄉之意固所安心耳矣若夫左扶桑右泰岱嵩沂角其前渤海帶其後藐然中處則有此景亭在焉他年自壽不厭煩複者此也

南呂一枝花

題丹元樓宗藩

誠軒翁

外史氏曰吾嘗語於令人

誠軒翁則

賢孝君也被服

祖訓性行慈慈補馘

皇猷文藻虎煥曩事

端惠王儲極愛慈無

間朝昏疊疊翼翼盡無異於賢士大夫厥
惟終事必成必信情文交罄據禮考俗巨
纖畢集哀怛之容悲慘之聲觀者感動匍
匐稽顙以謝臨客客弗敢當弗變也即遠
之日環登城陴擗踊奔號攀額無從執紼
之人還望流涕者以千計嗚呼即古之賢
士大夫曷以過焉而况於邦君者哉既禪

而冕乃歷臺登樓拜手稽首跽祝 萬壽
北面拱極西向瞻雲前依 宗國左埒頻
宮茲樓臺之大觀也猥以謏劣抽毫填詞
述傳懿美將使陳詩觀風者采述焉其詞
曰

帝懸捧日心少慰瞻雲憾去天咫尺五入洞
喜山三叢桂氤氳裊瑞靄香風淡沐 恩光
盪露湛倚南山紫翠千重俯北海烟波一覽

梁州

環眺望雕楹繡檻荷幃幙珠玑瓊簪簪牙炳
綠金珠紉窓嚙旭日廉陰晴嵐奇葩爛熳恠
石巉巖幕亭臺四面蒼杉染池塘半畝柔藍
尋修心兀坐端居好藏書兼收並攬愛寅賓
潤論高談忠肝義膽瞻瞻天戀調望斷暫仰
眉誠佩昭鑒卓行芳名播斗南 寄賚瑤函
尾

庭賢寶善麗無勤 勅使觀風幾駐驂指日
待宣 聖恩湛稿黃封味甘宴丹元飲酣賀

古今大孝尊親萬民感

南呂一枝花 送賢封君約翁南還

約菴翁來遊上谷郡深居燕間之室不與
物接泊如也居無何遽命駕歸山中恐人
之知秘其行色無所於訊余竊以微意償
得之私念曰翁之行不使人知其自處得
之矣余辱通家後進闕於言別獨胡能爲
情哉廼拂紙吮毫作長短句託之近調時
春高風急浩然放歌聲迫霄漢自謂頗壯

行色翁其與進否耶

人間福德全洛下耆英舊丹心瞻上國白
首望中州一鴈橫秋雨洗燕山岫霜清易水
流恰東籬勸插黃花又南浦催斟綠酒

梁州

趁迤邐長亭官柳儘逍遙短劍輕裘離歌妙
轉清商奏征雲冉冉歸馬悠悠懸情伊闕寄
興嵩丘老弟兄同氣相投小兒孫奕世承休
笑談間引滿霞觴崢嶸處躋開月窟發達時

撞破烟樓不求自由百年晚景閒消受慶團
圓喜成就傲盡朱門萬戶侯泮渙優游

尾

一家獨擅乾坤秀一世安
福祿優笑向烟霞尋故友
竹林下宴遊草堂中唱酬
那利鎖名疆怕沾手

仙呂點絳脣

郡廳自壽

已巳菊月余至保郡越半年矣每念桑梓
在東齊而余又西來余弟治江南而姓領

北縣或遠或近均莫之聚也恒切憶之是
歲燕趙齊楚大水傷稼而吾家僉有貢賦
之職不易報塞更相念也自筮仕壬戌歲
初度皆有述在郡無與偶者乃賦此以自
廣

甲子將周壯懷依舊人長壽知命無憂五十
今增九

混江龍

等待的黎明時候俺子索雞鳴而起早梳頭

可正是高秋屬序朔旦焚脩投至得文廟行
香先報本瞻拜了城隍土地祝神休衆官僚
升堂公座唱一聲擊鼓排衙兩邊廂分班伺
候各衙裏人馬平安子俺這黃堂佐職欽除
授統領着三州刺史兼管着十七諸侯

油胡蘆

序立着官吏師生齊拜手衆鄉耆謹叩頭俺
子索采民風詢民瘼解民憂脩德弭天災黎
庶無逃走蠲稅感 皇恩老幼長相守只愁

政不行那怕歲不戢不移時德意溥仁風透
端的是和氣滿神州

天下樂

俺子見 聖旨傳宣五鳳樓漂流百姓每愁
衆臣工急將德政脩盡安民一點心釋官家
萬里憂喫緊的排幽燕十六州

那咤令

愛民心已周遇荒年不愁敬天心已投致中
和有由報 君心已酬望神京稽首答謝了

聖主恩祝禱了 皇王壽保山河萬載千秋

鵲踏枝

消繳了小民愁分破了 帝王憂宰相每燮
理陰陽不枉了黼黻 皇猷方顯的功名不
朽這其間與 國同休

寄生草

正值着三秋節喜孜孜不自山小臣深感
天恩厚短歌輕轉清商奏老夫私祝喬松壽
自家悲喜自家知尋常甘苦尋常受

云
呀悄無人相過訪又無人共唱酬天邊幾點
丹霞秀堦前數朵黃花瘦眼中千載青山舊
半牀書史淨無塵一簾風日間清晝

六云序

瘦骨肉三千里望雲山十二樓那里也拜家
園數畝松楸念功名泛梗浮漚覩人情飄瓦
虛舟那裏也兄弟相求子姪從遊詩酒交酬
笑語綢繆莖不斷斜陽衰柳掛離懷天際頭

么

時四下裏凝眸那蒼兒消憂恰便似宋玉悲
秋王粲登樓司馬淹留杜甫窮愁望不見知
心故友這其間誰與倚只落得鴻鴈啾啾風
氣颼颼歲月悠悠良士休休一弄兒冷淡清
脩乞求的無榮無辱無卑陋到大來不忝儒
流只願的平安兩字常相守一壁廂天官賜
福一壁廂海屋添籌

賺煞

想吾生且偶然把今古開窮究到大來天長
地久看了些千載英雄冠九流感明時夢
見伊周荷天休上下交脩乞求的爲民爲
國躋仁壽望年年有秋願家家好收這的是
微軀此外復何求

雙調新水令

庚午春試筆

余生於正德辛未今六十年矣鳳曆初頒
恭閱一過余歲侈然冠於干枝之首未嘗
不廢冊而歎也自去秋出城毒霧淫於五

內鑒慎宣洩遂嬰腦疾雖勉慕微祿時時
強起然風寒易薄勤力不任從此矣獻歲
有將迎之役返而伏枕養殮藥餌自念無
聊之甚乃浩然憶山中也呼兒近榻索片
紙試筆云

從今花甲一周遭可又早六旬來到生辰非
將相賦質本漁樵誤脫藍袍換頭角改時調
駐馬聽

仰荷清朝七載三遷歷郡曹俯慙衰貌一身

千里困塵勞染髭鬚
不上兩眉稍怕風寒
閉不了雙鼻竅見如
今難自保待歸山便
採長生藥

沉醉東風

走紅塵偏能易老覩
青山去也非遙休勞
七尺軀妄想千年調
趁明時好做箇閑交
一任頭顱長二毛再
不把煤烟暗掃

鴈兒落

再不把拾來的擔子
挑再不把不哭的孩
兒

抱再不替別人家賠頂鋼再不做現世的虛
圈套

得勝令

俺本是白屋下老文學怎做的黃堂上好官
僚聽斷呵生子子怕虧了情法擬罪呵又子怕
差了律條旱潦了田苗怎下的惡狠狠追糧
料重併了差徭誰能勾實丕丕戀土着

沽美酒

他他他生不聊我我我怎會饕餮總不如兩袖

清風歸去好到山中落魄拖簪秋住松蘿

太平令

把世事通然丟盡馬衙一味散誕逍遙也不管
青紅白皂也不管高低強弱我呵還守俺草
茅土窟一荅兒打熬呀說甚的江湖廊廟

川撥棹

非是俺覓苦李漾甜桃也子是歎吾生無耐
老看俺這曲脊蝦腰手顫頭搖言語刀鑿衣
履塵糟行動處東楚西倒一步低一脚高

七弟兄

一會家待學老陶僊孤高傍東籬倚杖閑
嘯謝彭澤雪簷前折腰伴南村野老開懷抱
梅花

願狂歌託聖朝拾過了元宵又值着花朝
特地到芳郊詩句向閑中得酒價在杖頭挑
時雨過水平橋香露滴藥生苗龍潭淨海通
潮蟾影淡斗回杓

收江南

呵試看了今年新厝好臨臨把俺這元原本
命細裁度司大臺太史燕霜毫標題的例如
這的是從頭再教 聖明朝

中呂粉蝶兒

辭署縣印

郡齋後室病臥煖榻遽然午夢未足萬壑
山中曠若無營也忽喧傳郡丞陳大夫到
廳上聲勢甚厲余謝不任倒屣之罪吐
出捧茗碗授之將命者反命云善視印在
也余聞之股木彊肌鷄膚慄慄若風雨之

驟至兒間余寒乎亟析薪噓燃之納榻底
余乃喜附煖熟眠暮而醒竟不問印所在
徐聽無人聲印出矣

庚午流年看了會子平書有些兒搖變打了
箇六壬時正撞着赤口留連平白地一顆印
沒來由丟在咱閑庭前院子俺也曾被蛇纏
見了條爛井繩說的我心驚肉顫

醉東風

那一箇傷天理背人精狠心腸幹這樣醜惡

蘭兒沒頭沒緒龍絲纏快送的也遠涉詭的
我魄散在雲端魂飛在天外怎提防這場兒
災變

紅綉鞋

我和你是通家的門面你和我往日又無冤
如何把俺死牽連心窩上槩了一腳腦門頭
楔了幾拳倚着你手脚兒強欺壓的軟

么

俺本是山林中貧賤伴不的臺閣上英賢逃

名縣利怕威權芥子似心腸兒小柳絨般氣
力兒綿掉着那筆尖兒可又早吁吁的喘

滿庭芳

俺可也學疎才淺受了這一官半職離不了
斷簡殘編雖然是管糧廳注定了天曹選到
頭來門第蕭然午風微琴聲清遠明月上鶴
影踰躑取次銷前件畢罷了簿書消遣俺可
也黃卷內對先賢

小溪州

移過那矮矮燈檠小榻前良夜無眠
書舒捲玩先天驅聞見得意處每忘言

么

雖不是太史編修院起來時日轉花磚
案牘清勾銷遍縱有那行移粘卷無經
手的半文錢

上小樓

職業修湏當罷勉本分外何勞迷戀
你子待南去北來後擁前遮東扯西牽
把似你佐三

邦任貳府還子待戶封八縣憑着這大才能
你可也烈烘烘施呈了一遍

么

俺不慣當攬頭休把俺向家里捻捻的俺立
地無存片甲無歸疾走無邊直走到東海沿
治水前和俺那村莊家相見感不盡老同僚
好心兒方便

么

便做道考察冊開了巡俺也是六十翁罷差

這也不怕革職爲民又不犯提問追贓落得箇晚節成全正遇着羊馬年廣種田多收些絲絹俺子待按四季納錢糧也不署那親臨的州縣

鬪鶴鴒

這卽呵你誇他墨綬銅章俺覷着是撾鍾鞭簡逢着的肉綻腰折撞着的身酥骨軟詭的我躡足潛踪閃在一邊悄沒聲不敢言他自有那硬漢來擔當可憐見俺小家兒權時告

免

耍孩兒

起初時也做了箇喬知縣只想把經綸大展
誰承望痴心枉使出頭船顯不的快觀爭先
饒他飲的醺醺醉倒說俺為官索酒錢為嘴
食難分辯俺子索拂衣而去至如今閉口無
言

六

俺也曾循行阡陌中徘徊四里基邊農桑種植

身親勸長安大道千株柳野店荒村萬畝烟
春日煖和風扇誰承望草萊起謗至如金喬
木含冤

么

不甫能赴天曹改職銜掌文衡謝糾纏沒來
由帶管冊徒縣來來往往成了仇恨唧唧噥
噥絜了業冤有幾起冤枉事行咱辯開一夥
江洋巨盜盡都是本縣的生員

尾

重來此郡中安心守自然從今再不去正廝
戰你不將這印去呵斷送我走上東山離的
你遠

黃鍾醉花陰

聽鍾有感

語云鍾鳴漏盡夜行不止蓋古今通禁也
然徃徃有犯而不校者無乃家給人足外
戶不閉之時乎春宵病臥東窓之下月霽
風恬鍾聲清越稍動天街散步之興頓強
起未能耳命筆秉燭漫填此詞已復欹枕

默然省惕然驚也乃竟夕不成寐云

短巷長街送車馬黑鄧鄧飛塵亂撒收晚景
歛殘霞數盡歸鴉轉眼夕陽下人困也馬行
乏只聽得鍾送黃昏一下一下的打

喜遷鶯

景陽樓高掛韻清圓聲不沙堪誇響動了人
人驚怕恨不的疾走荒忙迺到家鎖心猿拴
意馬快做箇抽身罷手倒免得闔口磨牙

出隊子

猛然聲谷聚十八慢十八街坊小戶掩了籬
笆酒店茶房上了板達便是相府侯門早也
拴閉殺

么

踈鍾絕罷聽柳聲怕怕他這壁廂提鈴喝號
的礮油花那壁廂劄舖巡風倚坐衙擺列着
把路攔街尖哨兒馬

刮地風

那一箇消停半時雲動不動就當眼拿諸毛

繩丟在膊兒上掛齊向那冷鋪裏拖拉正當
門牌樓一架獸頭房規模不大窮藜花醜土
巴絮聒聒有些閑話他道你發罷撞罷鍾
到處行墮這的是御街頭不是你房廊下笑
你箇不知時大傻瓜

四門子

老婆婆提着名兒罵夜深沉不到家耳朵兒
聾眼睛兒花問人呵討不的句真誠話身子
兒沉手脚兒麻一步兒剛那的半扎

古水仙子

襲襲襲鼓二槌盼盼盼西望長安不見家去
去去有路兒難行來來來是人兒須怕悔悔
悔悔從前意兒差想想想想當初性兒撐達
聽聽聽定夜鍾一百單八下休休休再休去
打鼓弄琵琶

尾

來到南城見了箇都兵馬看了這老公公談
免科罰勸你早早回頭一腔兒受活煞

南呂一枝花

月食救護

已巳秋七月之望月食不見舊儀日月入地食及陰雲不見者贊拜成禮以俟是夕文武方面官涉歷多者愈以此質議問於書生書生漫應之貿貿然救護無已期長跪不堪者手據地匍匐矣數生者方更迭倚立或掩口竊笑又謬置木牌亂其始終然陰雲竟夜迄無明驗云

黑呼通陰霾半夜天硬哥邦石砌當堦地軟

烏刺腿丁骨存了血礫柯查波羅蓋去了皮
隔重雲日月交食打不破昏思謎又不知進
退機可恨那傍觀者樂以忘憂哄着俺領班
的恭而無禮

梁州

有一箇執牌的是不是先呈了食既有一箇
上香的來不來又換上初獻他把那生光食
甚都顛置不分南北怎辨東西豈知吞吐那
顛遲疾一箇價死沒騰苦胆鋪眉一箇價瞎

模糊藏頭露尾一箇價米春候以醉如痴其
中就裏頭三個四存何意見了那六的六種
的睡這的是苟且因循不整齊及喪天良
尾

只教他在官人都要齊齊跪免使他御面
慙似不知他準備下分番倒替堦前立櫃他
這所為全不守禮儀問着他修省之心無半
米

南呂一枝花

日食救護

庚午正朔日有食之將屆期召書生問禮
無一至者既就位拜跪如禮食二分弱而
吐日者以復圓牌樹案上替者相戒默默
移兩晷班後人嘖嘖不平私相語云今非
雲埃此光已復牌樹久而不替拜何也已
而有人報御史臺救護畢生方狼顧徐走
作狐疑狀又久之始徹案魯論曰及其更
也人皆仰之生獨不能仰者耶元夕月又
食余以病作不告而僚吏各有所事出郡

城去惟太守就位焉

重逢羊馬年又值雍熙運早朝龍鳳輦同賀
聖朝君臣耐天文舜日生織壘義光滅半分
衆官僚救護精虔雲時問團圓證本

梁川

有幾箇至學究不知分寸又打上瞎陰陽怎
辯時辰那厮每青天白日精胡混站的站天
生的心儕看的看日射的睛昏站的似把廟
門兩邊獅子看得似掉鬼臉一隻胡孫跪一

攢老師儒斷送了斯文臥一簇衆生目全戴
着頭巾盼一箇報時人全無有定準發昏丟
曉復圓牌換上了么時分烏影全真精退曉
帳虛頭戲弄人呆重粧吞

尾

子俺這第一班咫尺天光近直跪的文筆可
立身也是俺一點忠誠存敬慎有幾箇夕筋
故意弄廣文他要相那一位先生膝蓋兒穩

南呂一枝花

對驢調琴

有人觀古詩摘句之工者揭壁間凡數聯
其友過見堊上句怒號之拂衣去主人問
故謝焉客然曰汝同之甚哉主人
笑而釋之是可與君事也其人愈忿不顧
而去然竟不知其謬妄而摘句者亦不能
自白以至絕交嘗以語余資一捧腹鄙諺
之言有類於此是以君子慎所與也

知音自古稀感物非容易名琴偏愛撫大耳
不曾習思憶顏回怎入驢肝肺難通草肚皮

俺這里勾丁吟猱池那里前跑後踢

梁州

他支蒙着兩耳聒長勾一尺俺摩弄着七條
絃彈了三回子見他仰天大叫喬聲氣說的
宮商錯亂聒的言律差池忽的難調玉軫兀
的怎按金徽張果老赴不的瑤池佳會孟浩
然顧不的踏雪尋梅他也懂不的崔鶯鶯待
月眠遲他也省不得卓文君飛凰求匹他也
曉不的牧犢子晚景無妻看伊所爲秋風灑

耳空淘氣不知音不達意這的是世間能事
不能飛草券一張皮

尾

看了他粗愚痴蠢村沙勢似不的禾禾秋風
聽馬嘶怎恁他不解其中無限意不遇着子
期誰知道品題俺索把三尺絲桐收拾起

正宮端正好

六套寫真

林山山人數年前以繪事謁余於涑水今
年至保州見余謂余貌猶昔也余笑而不

荅山人工山水人物筆意蕭散不俗又善
畫菊因問之曰若能爲沈翁畫像乎山人
笑而諾焉廼幀絹句作畫二幅其一則
浮浮山村圖云山人詩
野鷺姿孤雲相休看做濟楚軒昂一生瀟灑
偏豪放拙質從天降

滾繡毬

巧丹青要主張老先生不防把藏你雖然畫葫
蘆從來依樣子誰這老官人你索仔細端相

肩稍有皺紋懸針在印堂染渲的十分停當
粧點出滿面風光鬚鬚不是天然黑鬚髮邊
添數點蒼便老也何妨

脫布衫

這的是戀功名却老仙方霎時間一掃烏霜
且休提隨時混帳只求箇本來模樣

小梁州

俺雖然受職爲官佐大邦四品黃堂烏紗角
帶有輝光虛名望俺子待君子道其常么俺

本是江湖舊隱山中相又何須珮玉冠裳總
不如綸巾羽扇任清狂青藜杖得意儘徜徉

滿庭芳

曾魁乙榜不登甲第便買田莊從來不顯公
卿相僅足衣糧淡富貴天庭高廣小榮華地
閣圓方衡一味莊家樣見今職掌左右廣盈
倉郡城有廣盈左倉
廣盈右倉凡二所

朝天子

米倉草場打魚此莊頭帳官閑睡到大天光

紅日高三丈小可公衙逍遙宦况做歪詩沒
事忙水荒旱荒硬把眉頭放

耍孩兒

戴冠博帶威儀壯託賴着 朝廷作養爭榮
頭角豈尋常不弱如衣錦腰黃一官半職成
何事只爲傳神借寵光老儒巾早離了咱頭
上人人瞻仰世世傳揚

二煞

寫一幅行樂圖高懸在五嶽莊清奇落魄山

林相田家正喜三秋飽籬菊偏宜九月芳把
一枝描寫在輕綃上膽瓶斜插芸閣生香

一煞

龐兒畫的清臉兒渲的光三停五岳十分相
雖無紫袍玉帶功名顯只有皓首龐眉歲月
長說甚的山東宰相山西將不圖崇高富貴
博得福壽安康

尾

他道是吳小仙又道是袁柳莊他道俺官星
還有十年旺那時節與官直客再相訪

商訓集賢賓

舍弟乞休

余第少洲子辛未自江省左轄入覲尋
朝萬壽節既竣事私念曰竊惟承宣使
者還職十二罷去十三臣當罷然幸留是
曠蕩之恩也恐奉職無狀乃請老余聞
之忻然曰是可以老矣吾與爾同歸乎蓋
平日夙約如此云自余攝玉川長不習文
墨者五閱月適劉蕪訪念庵寄詞數種余
覽之心動又聞弟將歸乃述此以志喜

五湖舡浩然歸范蠡知止足討便宜再不提
爭名奪利也休誇今是昨非想當初高竿上
貪進無功子今日急流中勇退知機荷
天朝放臣還故里成就了歸去來兮感
恩辭鳳闕報德叩龍墀

逍遙樂

山呼萬歲化比唐虞聖邁軒冕一統華夷贊
皇猷四相扶持萬里乾坤拱帝殿慶賀了
明良際會見如今八方寧暗四海昇平有

雍熙

金菊香

却怎生微臣謝病解朝衣這的是老馬思鄉
路不迷算人生少年能有幾事到臨岐收傀儡
散筵席

醵蒹蘆

早抽身望僖宗急回頭瞻斗極這的是孤臣
去國意徘徊雖然是利名心到今無半米
怎忘了君臣之義不由人淋漓雙泪似秋

推

么

到東山春興長向西疇農事急數十年重整
舊柴扉把象簡烏紗收拾起打扮出村翁的
風致拜謝了當今聖主賜臣歸

么

雖無多金與帛却有此山共水登山玩水景
希奇四面青山圖畫裏碧澄澄水綠山勢把
一座小庄兒環繞了兩三圍

么

同胞好弟兄
挨肩兒厮靠倚
我和你相將塞
馬一行飛看了
他嘹唳悲鳴
天外起怕的是
無情短弋
再不恋鰲湖山下稻梁把

么

當家問老農
知心尋舊識
村南村北共追隨
好友良朋
誰到底空自有黃金
浮世眼見的
白髮故人稀

么

清心讀道書高談窮妙理這其間早已悟玄
機那其間怎能將塵慮洗這其間退藏於密
那其間你我兩着迷

悟萊兒

也休言人定天難定文齊福不齊只爭來早
與來遲想當初宦海翻鯨浪如今春風信馬
蹄相伴着我和伊直走到神仙洞裡

後庭花

儘那裏松窓倚翠微老蒼依綠水勝槩連三

島危峯壓九疑巖世界不相離又不在山南
海北闢荒田守舊基課耕讀教子姪戒兒孫
縣是非量功名值些甚的

青歌兒

呀想着俺迹名迹名縣利只爲您隨行隨行
逐隊送的俺半路離家往事遠塵土奔馳枳
棘罕栖故國依依望眼離離海角天低洞口
雲迷到今番携手好同歸結一夥烟霞會

浪裡來煞

春分酒剛半熟清明節將近矣越韶華過眼
共留題有幾句詩詞聲韻美喜遇着太平時
世祝吾皇福壽與天齊

雙調新水令

送李閣老南歸

石廬翁之乞罷也前後章十數上

聖天子眷之朝列重之海內士庶之衆莫
不望而惜之翁陳乞愈懇不止至是得
請余聞之乃作而言曰大哉聖人寵遇之
仁中哉賢相奉身之道古今君相罕聞見

者也余始為之歎息歎息之不足為之擊
節擊節之不足而不知歌之詠之又一唱
而三嘆之若不能以自已也翁其謂余為
知音乎

狀元歸去馬如飛最喜是功成身退避賢初
罷相樂聖且啣盃無限光輝受用足昇平世

駐馬聽

帝德巍巍千里明良安 社稷臣工濟濟

兩朝元老鎮華夷黃金鑄像甚希奇赤松辟

穀真玄秘倣張良學范蠡歸山便是歸湖計

鴈兒落

幾番家上封章早見幾契緊的奉溫旨難
回對至如今表誠心有感通因此上行孝道
無拘繫

德勝令

呀最喜是父母兩期順為甚麼恩寵邁倫
夷堪羨也黼藻三公袞權當呵斑斕五綵衣
盡忠孝無虧論好事都全備享福祿并集祥

人生實罕希

川撥棹

二十載鳳皇池一路功名真箇是美自從
御筆親題 使殿承直每日間 經筵講帷
這的是一條水清似水

七弟兄

試賢科第一論相業誰及厭紛更尚執持端
的是太平宰相匡時器老成人物 清朝瑞
爲甚麼 聖明天子難輕棄

梅花酒

甫能勾謝 龍墀却又早宣 勅感不盡
恩輝仗銀爪 御路馳 欲給驛錦衣回
遣官僚左右隨投至得碧雲湖綠楊堤戲金
船雲浪催望東山訪漁磯對南薰颭旌旗

收江南

成就了臣忠子孝兩無違眼見的芝蘭累世
競芳菲好似四時之序有前期呀老先生
去 國方顯的元臣出處得其宜

仙呂點絳脣

量移東歸述喜

是年春余弟得

旨東歸余是以有雄州之會相將同隱南山
中弟不可曰不告而去非禮也余曰告則
不得去余旣屢告之矣迄不得請奈何弟
曰姑徐之或有擢也至是擢 曾士師遂
行

用舍行藏浮沉升降咱心上萬慮俱忘一點
無遮障

混江龍

皇恩曠蕩青春作伴好還鄉收車贏馬短剗
空囊佐的是千里邦畿頭一郡輔的是九
朝藩國上十王也會說龔黃事業也會念
董賈文章端的是長沙太傅江都相朱門曳
履青史流芳

油葫蘆

白竹來漢室東平姓字香賢王這的是地
靈人傑演天潢謹遵祖訓全忠亮正靠

有孔孟門這便是鄉曾鄉少甚麼詩書禮樂
與仁說似這等 封國豈尋常

天下樂

便不然匹馬蕭蕭逐故鄉恭詳五柳定這在
兒山水園林生意廣要飽呵泊下酒要爰呵
陌上桑雖然是寒酸改不了窮模樣這的是
知足得安康

那吒令

到恁來好忙纔耕呵又耕到夏來也忙不歸

呵不長到秋來很忙疾收呵緊搶忙的去反
是非捨的捨無遮當到公來不救填倉

鵲踏歌

及早的納官糧又不去是公堂
一箇聖世閑人儘俺疎狂但來的親朋過訪共談
間賓主相忘

寄生草

也休論村和俏也休言短長
足家不用虛名望
山人自有閒情況
安心怎受乾勞苦

齊先到早堂中白雲常鎖山溪上

么

呀正遲日江山麗更春風花草香高齋睡足
梅花帳輕風細滾桃花浪清尊滿泛梨花釀
左圖右史有殘書青松翠竹存幽尚

後庭花

許多時耳邊廂空妄想誰承望好人言都是
謊也不看出馬三條路只到了推車四堵牆
細平章成就了幽人幽人長往啟賢明一字

王感仁恩 千歲昌代陪臣上表章賜山人
歸故鄉是非叢沒兩廂利名途不四行

青歌兒

所學不就新興新興時樣改不了尋常尋常
伎倆一迷裏奔馳走四方誰弱誰強何短何
長難比難量自作自當子俺這平生意氣感
尋藏耳疎放

賺煞

清福經人來好事從天降儘着俺閑遊戲賞

這的是喫了筵席對散場休貪戀剩酒殘湯
趁時光勝日尋芳離不了海浮山下龍灣上
卧明月滿床駕清風一航長受用地老共天
荒

雙調新水令

鳳渚公初尹清苑晉擢延評卹刑南圻出
守長沙郡惠政茂績課天下治行第一辛
未春上臨軒賜宴寵數殊典聖朝僅
再見焉既而來鎮易州公舊遊也吏民愛

戴日深一日復恐遷去詩云鴻飛遵渚公
歸無所于汝信處

九重宮殿聖人朝普天下太平時道

綸音傳玉陛仙樂奏雲璈御筆親招賢太
守齊來到

駐馬聽

德邁唐堯蕩蕩巍巍光四表心同周召雍雍
濟濟肅千條聖君賁相重英豪黎民百姓
都安樂那其間真箇好歡聲塞滿長沙道

鴈兒落

一箇箇衙攔着白玉橋一箇箇緊扯定花藤
轎一箇箇攀轅的不放行一箇箇卧轍的連
聲叫

得勝令

呀只聽的滿路鬧諛諛誰承望太守早歸
朝誰念俺賦重蒼生苦誰念俺差繁赤子勞
忽聽的民謠恰受用三年樂只願你官高任
飛騰萬里遙

水仙子

賢聲欽奏 紫宸朝 聖旨傳宣彩鳳毫承
恩犒賞烏翎鈔 御筵開都醉飽受用紫內
酒仙餚看卓異聲名振把循良姓字標不負
了撫字心勞

折桂令

十餘年撫字心勞到處仁聲一味清操月照
吳江雲離楚岫春返燕郊一處處邊塵盡掃
一家家民病都消當日箇小試牛刀至如今

大晟龍輜這的是並路輕車安穩道送

離亭宴歌拍敘

雲端已下旌賢詔天曹又貼陞官報俺民阿
怎熬不甫能盼得來却又早陞將去再怎生
已得到這壁廂去後思那壁廂來時笑到處
裏等着只願的八方黎庶安萬里烽烟息四
海村田樂方顯得仁賢是寶大丈夫志四方
保吾民都是好

商調集賢賓

歸田自壽癸酉

自壬戌之秋皆有自壽之詞其為郡縣則
恐吏民知之為博士則恐生徒知之其詞
久而弗傳故所至無與為壽者壬申歸田
方幸親姻弟姪相與稱壽而是歲吾弟不
祿吾服墓年之制廢祝壽之禮今秋逸壽
會友招余即席叩余生辰笑而不荅諸公
笑相向曰無迺是日乎余默無以應也
是會也洞主大夫為雲門逸壽會記余姪
季咸叨鄉薦亦於席上聞捷是夕家宴小

大畢集夜分乃罷

黍登塲釀成桑落酒交九月入三秋准備下
山翁稱壽穩情着海屋添籌等閒問暑往寒
來平白地霧散雲收到城中訪尋同會友四
十年故國交遊子俺這生辰重慶祝詩酒共
綢繆

逍遙樂

雲門依舊世路更新鄉情耐久光景難留到
如今太半白頭都不羨三公與五侯出落的

抽身撒手俺子待怡情山水寄傲乾坤遁迹
林丘

醋葫蘆

俺如今度韶華六十三每年間閱秋光七八
九一時二一處二趣追遊每日價打呵二大
家開笑口也算做功成名就喜孜孜不離了
釣詩鈎

么

俺子見大施為有是非細評論無好醜至如

今閑將冷眼觀時流看了他覆雨翻雲難罷
手到頭來苗而不秀總不如得合休處便合
休

么

俺這裏買山中百畝田插門前五株柳一納
里畊田鑿井度春秋稚子山妻十數口正值
着收成時候這的是微軀此外復何求

么

恰纔箇繞謁居繡菊籬又報道步蟾宮折桂

手端的是前人種德後人收
倣倣着北海開尊頻送酒
正對着南山為壽一家兒
團圓賀喜自相酬

梧葉兒

聽靈鵲猶然噪看燈花
不斷頭喜數世紹箕裘
衆子姪行排鴈小兒孫
氣食牛擎瓦鉢捧瓷甌
一箇齊斟壽酒

后庭花

常記的急煎二塵內
走有時節氣昂二街上

擗走的箇喘吁二無停脚擗的箇立欽二不
轉頭暢好是沒來由頓忘了開尊二祝壽
廢家私一向丟劣身奇不自由十年間無事
憂到今日歸去休

青歌兒

呀一猛想起功名二馳驟總不如山林二
清秀子一俺這竹杖芒鞋獨木舟任意遨遊信
口歌謳百丈崖頭上生灘頭訪仙翁道侶慕
玄修閑窮究

浪裏來煞

有青蓮共唱酬謝白衣來送酒山中宰相儘
清幽到今年喜從心上有又寫出新詞自壽
把閑言一筆盡都勾

商調集賢賓

題長春園

北山翁寄余長春園集余既覽之從而詠
歌之又從而一唱三歎之則雖未見其人
窺其園即如接音察韻奇勝相與登熙臺
坐春風中也古人嘗云神三則遊者不空

談矣癸酉二月余始晤山翁於園亭傾蓋
論心歷境觀物殆猶夙遇云時邑中詞宗
騷客畢集是余嘗竊慕而心醉者而是日
又相與傾倒盡歡盤桓花下余廼大醉詰
朝始雨東沙后溪信溪三翁皆有志喜之
作主人授筆硯余夙酒初醒然心醉者未
醒也山翁余與為世講兄弟誼不得辭勉
希此調附備一體焉爾

海雲鄉望春天共遠花有信景無邊青靄二

千林芳甸錦重三十畝名園往常時迅掃了
混沌江湖至如今出落的散誕神仙看桑田
幾時經變遷一任他日月流連這春兒舒遲
消永晝安穩度韶年

逍遙樂

東風拂面北闕懸情西疇在眼好雨連綿
霎時間萬物澄鮮正值着輕煖輕寒二月天
春滿滿河陽花縣可正是賢侯製錦聖主
登極良相調元

金菊香

從今後安排沽酒買花錢為甚麼白日無憂
夜穩眠興來時引杯休放淺芳草如綿醉倒
處便安然

醋葫蘆

錦鴻兒屋上啼黃鶯兒花外轉聽聲一一似
向人言紅杏枝頭春較淺休只待芳菲零亂
喚遊人早來到看花園

么

到春來碧桃開綠柳垂到夏來海榴紅翠荷
展到秋來芙蓉亭畔菊籬邊到冬來雪月風
花細裁剪落的箇歲寒不變總然是四時八
節盡堪憐

么

賞一春又一春樂一年又一年受用足春光
如海酒如泉仙苑春長何處頭托賴着主人
康健草堂深不弱似小桃源

么

晚風前醉月樓水晶簾雲外捲趁清光把盞
對嬋娟高駕冰輪天上碾暢好是相酬相勸
滿拚著一千二百箇月兒圓

么

至誠心有感通格仙亭神聖顯靈文寶籙授
真詮一顆金桃丹九轉准備着瑤池開宴紫
雲觴沉醉了大羅仙

么

好弟兄官業成老夫妻福祿全喜的是千金

難買子孫賢蓋世功名方貴顯畢罷了南征
北戰便歸來知足扁吾軒

么

荼蘼欄曲檻幽牡丹臺國色妍又輕風細雨
春花天萬紫千紅分近遠單等待四時開遍
直到了暗香浮動老梅邊

么

羣峰展盡屏拳石傍几筵擺列着清奇古怪
貌峨然九雙貞友瀛洲選每日在山翁前面

都一般磨而不磷秉心堅

梧葉兒

結一夥北海奇英會索強如西京獨樂園喜
綠野遶堂前那里也鹿金塢廣開些種玉田
雖不是李平泉一簇繁華照眼

後庭花

人居在小洞天客追隨平地仙曲奏陽春調
詩成白雪篇聚高賢一箇珠璣滿卷
蘸霜毫拂錦箋按官商叶管絃選歌姬就舞

遊仙詩
筵不知音不與傳

青歌兒

呀
正值着清明
遊宴人都在鞦韆
庭院忽聽的牆外人聲越自憐彩袖雙窸窣
髻斜偏形影踟躕意態留連汗挹花鈿露濕
金蓮含無情背立小桃邊多留戀

浪裏來煞

愛烟霞地自偏傲乾坤心更遠論英雄何必
老林泉滿腹經綸須大展休負了蒼生之願

邵其開東山爲卧聽 朝宣

雙調新水令 題劉伊坡壽域

劉伊坡汴之陳留人大學士文穆公之孫
博學能文詞善書法以世廕官中書出知
周魯二王國廩勤有聲稱嘗謝病家居
生墳構真寧亭知息堂築歸化臺小環立
於其上種花釀酒時邀親厚燕飲其中
名家記詠其事刻之木石者甚富余見
重之曰達人哉達人哉諸家之詩文尚矣

余則為作雙調十一章為燕飲樂歌云
望中原佳氣鬱籠葱出神仙小瑕丘洞書遙
瞻泰嶽白虎鎮喬嵩朱雀奇峰繞玄武大河
控

駐馬聽

紫翠重封萬疊層巒對祝融雲霞簇擁千年
靈氣隱隆中伊瀍汴洛共朝宗夷門少室相
陪奉這的長安城到其間衣冠遺世空傳
頌

雁兒落

俺則道冷清二養老宮却原來淨巉二歲貞
洞栽培的顛巍二錦片花擺列的酷烈二香
醪瓮

得勝令

呀人鄧道拚死命逞英雄俺則道尋活計覓
從容為甚麼看日月如飛箭這其間觀乾坤
似轉蓬心胸好世界遊仙夢踈慵潑生涯過
耳風

川撥掉

論閥閱有三公論才華非一種文擅雕龍詩
比宗工詞苑稱雄書法兼通論事業 當朝
賈董都分付黃土中

七弟兄

這的是勅封壽宮喚良朋我共你三杯不盡
相傳送你共我三言兩語叙情悰索強如三
番兩次空盤弄

梅花酒

自離了紫禁中正周魯分封恰相國優崇受
恩眷方隆猛然思芍藥圃驀地想木香棚怕
繁華取次空寂寞了海棠叢

收江南

呀真寧亭幾度領春風知息堂無復憶坡翁
歸化臺千里月朦朧這都是託空却不道出
湖弓劍有仙蹤

沽美酒

且休題學卧龍也不必訪崆峒聖帝賢

王世道隆到如今君臣義重不枉了效吾忠

太平令

有一日天風送直到了閨苑三峰相伴的蓬萊仙衆撒颺了小瑕丘洞那其間駕空御風再不落穀中這墳呵暢好是俗而無用

離亭宴歇拍煞

中州遺却虛梁塚神仙喚醒邯鄲夢笑殺時人懺懂欠分曉死生關不明白忠孝字怎識得王侯種常聞葉底蟬誰羨雞群鳳試看坡

仙壽壠達者洞玄機至人通造化善士承天
寵俺子見青山展素屏綠水脩清供一簇
松梧翠聳端的是知止足得身安保真元歷
年永